

(1254) 1255, març, 23

Bru de Bellmirall firma a David, fill de Bonmacip de Barcelona, una vinya comprada a Bonastruc de Torre, situada a Vilaroja, per 25 sous.

ASD núm. 167, perg. orig., 75 x 225 mm.

Sit notum cunctis quod ego Brunus de Pulcromirario, per me et per omnes meos presentes atque futuros laudo et concedo tibi Dauid, filio Bonimancipi de Barchinone et tuis et cui uolueris perpetuo totam illam empacionem quam fecisti a Bonastrugo de Turre, filio Bonafos de Turre et uxore sua Bonastruga et filia eorum Dauida et uiro eius Iuceffo filio Maleti, de parte eis pertinente in illa uinea quam Bonafos de Turre per me tenebat apud Uillamrubeam, quam quidem partem dicte uine tu ab ipsis emisti precio .c. solidorum barchinonensium, ut in instrumento ebrayco inde confecto continetur, quam quidem partem tibi uenditam ex dicta uinea tibi et tuis in perpetuum laudo et concedo, cum exitibus et ingressibus et pertinenciis et tenedonibus et cum terra in qua sedet et arboribus diuersorum generum et cum heremo qui ibi est et cum omnibus aliis in se habentibus sibique qualicumque modo pertinentibus, ad omnes tuas uoluntates et tuorum perpetuo faciendas, saluo iure meo in omnibus, in qua uero tota uinea ego et antecessores mei consueuimus habere et accipere annuatim pro censu .III. solidos monete quaterni, ex quo censu tu et tui dabitis annuatim medietatem in festo Sancti Michaelis et Iuceffus Sacay illius (sic) annuatim soluere aliam medietatem ipsius censi ratione sue partis ipsius uine, et nichil aliud pro censu uel pro agrariis, et propter hoc totum accipio a te .XXV. solidos barchinonenses, renunciando excepcioni non numerate peccunie.

Actum est hoc .x. kalendas aprilis anno Domini .MCCL. quarto.

(s. man.) Bruni de Pulcromirali*. Sig+num Berengarie, uxor dicti Bruni de Pulcro Mirali, que predicta concedo. Sig+num Bernardi de Palacio, sig+num Bernardi Situlereni, sabaterii, testium.

(s. man.) Arnallus de Sancto Martino, qui hoc scripsit mandato Bernardi de Uicco, publici Gerunde notarii. Ego Bernardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 338-339